

Ընդունված է

Երևանի պետական համալսարանի

ուսանողական խորհրդի 2018թ. նոյեմբերի 15-ին

կայացած համագումարում

ՌԻՍ նախագահ



Դ.Ափոյան

ՌԻՍ պատ. քարտուղար



Ա.Հարությունյան

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՈՒՍԱՆՈՂԱԿԱՆ ԽՈՐՀՐԴԻ ԿԱՆՈՆԱԴՐՈՒԹՅՈՒՆ

(փոփոխություններով և լրացումներով)

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Երևանի պետական համալսարանի Ուսանողական խորհուրդը (այսուհետ՝ ԵՊՀ ՈՒԽ) ԵՊՀ-ում գործող ուսանողական կազմակերպություն է, որը ԵՊՀ ուսանողության ինքնակառավարման, ընտրովի ներկայացուցչական և նրա ընկերային շահերը ներկայացնող ընտրովի մարմին է:
- 1.2. ԵՊՀ ՈՒԽ-ն ապաքաղաքական և ապակուսակցական կազմակերպություն է:
- 1.3. ՈՒԽ-ն արտահայտում և պաշտպանում է ուսանողության շահերը, նպաստում նրանց կրթական, գիտական, ստեղծագործական, ֆիզիկական, բարոյական և հոգևոր զարգացմանը:
- 1.4. ԵՊՀ ՈՒԽ-ն իր գործունեությունն իրականացնում է ՀՀ Սահմանադրությանը, ՀՀ օրենսդրությանը, ԵՊՀ կանոնադրությանը և սույն կանոնադրությանը համապատասխան: ԵՊՀ ՈՒԽ կանոնադրությունը ընդունվում է ՈՒԽ համագումարի կողմից:
(1.4 կետը խմբագրվել է 15.11.2018թ.)
- 1.5. ԵՊՀ ՈՒԽ-ն ունի անկյունային դրոշմ, պաշտոնաթուղթ և իր գործունեությամբ ու նվիրատվությամբ ձեռք բերած ֆինանսական միջոցները տնօրինելու իրավունք՝ ԵՊՀ-ում սահմանված ընթացակարգերի համաձայն:
- 1.6. ԵՊՀ ՈՒԽ-ի լրիվ անվանումն է՝ հայերեն՝ Երևանի պետական համալսարանի ուսանողական խորհուրդ, ռուսերեն՝ Студенческий совет Ереванского государственного университета, անգլերեն՝ Student Council of the Yerevan State University.
- 1.7. ԵՊՀ ՈՒԽ-ի հասցեն է՝ Հայաստանի Հանրապետություն, ք. Երևան, 0025, Ալեք Մանուկյան 1, Երևանի պետական համալսարան:

2. ՆՊԱՏԱԿՆԵՐԸ ԵՎ ԳՈՐԾՈՒՆԵՈՒԹՅԱՆ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ

- 2.1. ԵՊՀ ՈԻԽ-ի նպատակներն ու խնդիրներն են՝
- ա/ պաշտպանել ուսանողների շահերն ու իրավունքները,
 - բ/ ապահովել ուսանողների մասնակցությունը համալսարանի կառավարմանը,
 - գ/ համալսարանի կառավարման համապատասխան մարմինների քննարկմանը ներկայացնել ուսանողությանն առնչվող հարցեր,
 - դ/ մասնակցել ուսումնական գործընթացի կազմակերպմանը և ուսուցման արդյունավետության բարձրացմանն ուղղված ծրագրերի մշակմանն ու իրականացմանը,
 - ե/ իրազեկել ուսանողներին իրենց իրավունքների ու պարտականությունների մասին, նպաստել ուսանողների իրավագիտակցական մակարդակի բարձրացմանն ու ակտիվ քաղաքացիական կեցվածքի ձևավորմանը,
 - զ/ միավորել համալսարանի ուսանողական կազմակերպությունների, ակումբների և միությունների ջանքերը՝ նպաստելու ուսանողության համար բարենպաստ միջավայրի ձևավորմանը և խթանելու ուսանողների գիտական, կրթական, հոգևոր, մշակութային, ստեղծագործական ու ֆիզիկական զարգացմանը,
 - է/ աջակցել ուսանողների սոցիալական վիճակի բարելավմանը, կազմակերպել ուսանողների ազատ ժամանցն ու հանգիստը
 - ը/ մասնակցել ԵՊՀ տարածքում ներքին կարգապահության պահպանմանը,
 - թ/ ինչպես նաև լուծել սույն կանոնադրության 2.1 կետում չնշված ուսանողներին հուզող խնդիրները:
- 2.2. 2.1 կետում նշված նպատակների և խնդիրների իրականացումն ապահովելու համար ԵՊՀ ՈԻԽ-ն համագործակցում է ՀՀ-ում և արտերկրում գործող բուհական, ուսանողական, երիտասարդական և այլ կազմակերպությունների, ինչպես նաև ֆիզիկական և իրավաբանական այլ անձանց հետ:
(2.2 կետը խմբագրվել է 15.11.2018թ.)
- 2.3. ՈԻԽ-ն սահմանված կարգով կարող է իրականացնել հրատարակչական գործունեություն:

3.ՈՒՍԱՆՈՂԱԿԱՆ ԽՈՐՀՐԴԻ ԸՆՏՐԱԿԱՆ ՀԱՆՁՆԱԺՈՂՈՎԸ

3.1. ԵՊՀ ՈՒԽ համագումարի պատվիրակների, ԵՊՀ ֆակուլտետային ՈւԽ-ների նախագահության անդամների, նախագահների, անդամների ընտրությունները կազմակերպում է ԵՊՀ ՈՒԽ ընտրական հանձնաժողովը (այսուհետ՝ ընտրական հանձնաժողով):

(3.1 կետը խմբագրվել է 15.11.2018թ.)

3.2. Ընտրական հանձնաժողովը բաղկացած է թվով 11 հոգուց, որոնցից 4-ը ներկայացվում են ԵՊՀ ՈՒԽ նախագահության, 4-ը՝ ԵՊՀ ռեկտորատի, 2-ը՝ ԵՊՀ Արհեստակցական կազմակերպության և 1-ը՝ ԵՊՀ Ուսանողական գիտական ընկերության նախագահության կողմից:

3.3. Ընտրական հանձնաժողովի նախագահը և քարտուղարը ընտրվում են հանձնաժողովի կազմից՝ ընտրական հանձնաժողովի առաջին նիստում:

3.4. Ընտրական հանձնաժողովը՝

ա/ հաստատում է իր գործունեության աշխատակարգը և ընտրությունների կազմակերպման ընթացակարգը,

բ/ կազմում է ընտրությունների ժամանակացույցը

գ/ անհրաժեշտության դեպքում որոշում է կայացնում ընտրություններում ներկայացուցչական համամասնության վերաբերյալ (ընտրությունների ըստ կուրսի հոսքերի ու խմբերի կազմակերպում և այլն),

դ/ ամփոփում և հաստատում է ընտրությունների արդյունքները,

ե/ եռօրյա ժամկետում քննարկում է ընտրությունների կապակցությամբ ներկայացված բողոքները. ընտրությունների էլքի վրա ազդած կանոնակարգային խախտումների դեպքում որոշում է կայացնում ընտրություններն անվավեր ճանաչելու մասին,

զ/ ԵՊՀ ՈՒԽ պատվիրակների ընտրություններից հետո հրավիրում և կազմակերպում է ԵՊՀ ՈՒԽ նոր գումարման անդրանիկ Համագումարը,

է/ կանոնակարգում է սույն կանոնադրությամբ ՈՒԽ ընտրություններին վերաբերող չկանոնակարգված հարցերը:

3.5. Ընտրական հանձնաժողովի անդամները չեն կարող ընտրվել ֆակուլտետային ՈՒԽ-ի անդամ, ՈՒԽ Համագումարի պատվիրակ:

- 3.6. Ընտրական հանձնաժողովի նիստն իրավագոր է, եթե դրան մասնակցում են անդամների թվի կեսից ավելին: Որոշումներն ընդունվում են ներկաների ձայների պարզ մեծամասնությամբ:
- 3.7. Ընտրությունների արդյունքները կամ ընտրական հանձնաժողովի որոշումները կարող են բողոքարկվել ընտրական հանձնաժողովի նախագահին, ով բողոքը քննարկում է հանձնաժողովի նիստում՝ գրավոր ընթացակարգով՝ հրապարակումից հետո 2 աշխատանքային օրվա ընթացքում:
(3.7 կետը խմբագրվել է 15.11.2018թ.)

4. ՈՒՍԱՆՈՂԱԿԱՆ ԽՈՐՀՐԴԻ ՀԱՄԱԳՈՒՄԱՐԸ

- 4.1. ԵՊՀ ՈԻԽ բարձրագույն մարմինը ՈԻԽ Համագումարն է: Համագումարին լիիրավ ձայնի իրավունքով մասնակցում են ֆակուլտետների պատվիրակներ, ֆակուլտետային ուսանողական խորհուրդների նախագահները, ԵՊՀ Ուսանողական գիտական ընկերության, ԵՊՀ Արհեստակցական կազմակերպության մեկական լիազոր ներկայացուցիչները:
- 4.2. Համագումարի պատվիրակների կազմը համալրվում է առնվազն տարին մեկ անգամ կազմակերպվող ֆակուլտետների պատվիրակների ուղղակի ընտրության միջոցով: Պատվիրակներն ընտրվում են ֆակուլտետների յուրաքանչյուր կուրսից (հոսքից)՝ ըստ համամասնության՝ յուրաքանչյուր 25 ուսանողից՝ մեկ պատվիրակ:
(4.2 կետը խմբագրվել է 15.11.2018թ.)
- 4.3. Ընտրություններին մասնակցում են բակալավրիատի և մագիստրատուրայի բոլոր կուրսերը: Բակալավրիատի 1-ին կուրսում ընտրությունները կարող են անցկացվել միայն 1-ին կուրսի 2-րդ կիսամյակում:
- 4.4. Պատվիրակ կարող են դառնալ այն ուսանողները, ովքեր վերջին երկու կիսամյակում ապահովել են ՄՈԳ-ի 65 տոկոսը, իսկ առաջին կուրսի դեպքում դիտարկվում է միայն մեկ կիսամյակի արդյունքները:
- 4.5. Ընտրությունը կատարվում է ըստ կուրսերի (հոսքերի)՝ ուսանողական ժողովներում: Ժողովը իրավագոր է, եթե ներկա են ուսանողների կեսից ավելին: Ընտրությունը կատարվում է բաց քվեարկությամբ, եթե ներկաների ձայների թվի պարզ մեծամասնությամբ այդ մասին այլ որոշում չի կայացվում: Եթե երկու անգամ հրավիրված ժողովին չի մասնակցում ուսանողների կեսից ավելին, ապա ընտրական հանձնաժողովը կարող է որոշում ընդունել և ընտրությունները կազմակերպել ներկա ուսանողների մասնակցությամբ: Ընտրված է համարվում առավելագույն ձայներ հավաքած թեկնածուն:

4.6. ՈՒԽ համագումարը հրավիրվում է առնվազն տարին մեկ անգամ՝ ՈՒԽ նախագահության կողմից: Անհրաժեշտության դեպքում ՈՒԽ Նախագահությունը կարող է հրավիրել արտահերթ համագումար: Արտահերթ համագումար կարող է հրավիրվել նաև պատվիրակների առնվազն 1/3-ի պահանջով:

(4.6 կետը խմբագրվել է 15.11.2018թ.)

4.7. Համագումարը՝

ա/ ընդունում է ՈՒԽ-ի կանոնադրությունը, փոփոխություններ և լրացումներ կատարում նրանում,

բ/ լսում և հաստատում է ՈՒԽ նախագահության տարեկան հաշվետվությունը,

գ/ քննարկում և սահմանում է ՈՒԽ-ի տարեկան գործունեության կարևորագույն ուղղությունները և առաջիկա տարվա ծրագրային առաջնայնությունները,

դ/ որոշում է կայացնում ՈՒԽ-ի վերակազմավորման վերաբերյալ,

ե/ հաստատում է նախագահության կազմը (բաց քվեարկությամբ),

զ/ ընտրում է ՈՒԽ վերստուգիչ հանձնաժողովի անդամներին:

4.8. Համագումարը իրավագոր է, եթե ներկա են լիիրավ մասնակիցների ընդհանուր թվի կեսից ավելին: Սույն կետի ա/ և դ/ ենթակետերով սահմանված հարցերը քննարկելիս որոշումներն ընդունվում են Համագումարի պատվիրակների ներկաների թվի 2/3-ի կողմ քվեարկելու դեպքում, իսկ մյուս հարցերը՝ ներկաների ձայների պարզ մեծամասնությամբ:

(4.8 կետը խմբագրվել է 15.11.2018թ.)

5. ՈՒՍԱՆՈՂԱԿԱՆ ԽՈՐՀՐԴԻ ՆԱԽԱԳԱՀՈՒԹՅՈՒՆԸ

5.1. Համագումարների միջև ընկած ժամանակաշրջանում ՈՒԽ աշխատանքները ղեկավարում է ԵՊՀ ՈՒԽ նախագահությունը:

5.2. ՈՒԽ նախագահության անդամներն ընտրվում են ֆակուլտետի պատվիրակների նիստում որին լիիրավ ձայնի իրավունքով մասնակցում է ֆակուլտետային ՈւԽ նախագահը՝ բաց քվեարկությամբ, եթե ներկաների ձայների թվի պարզ մեծամասնությամբ այդ մասին այլ որոշում չի կայացվում: Նախագահության կազմը հաստատվում է Համագումարի կողմից: ԵՊՀ ՈՒԽ նախագահության անդամ են հանդիսանում ֆակուլտետային ՈՒԽ նախագահները՝ ի պաշտոնե, լիիրավ ձայնի իրավունքով: ԵՊՀ ՈՒԽ հանձնաժողովների նախագահները, եթե

չեն հանդիսանում նախագահության անդամ, ի պաշտոնե մասնակցում են նախագահության նիստերին խորհրդակցական ձայնի իրավունքով:

(5.2 կետը խմբագրվել է 15.11.2018թ.)

5.3. ՈւՖ նախագահության անդամները կարող են ընտրվել բակալավրիատի և մագիստրատուրայի ուսանողները, որոնք վերջին երկու կիսամյակում ապահովել են ՄՈԳ-ի 65 տոկոսը: Առաջին կուրսի դեպքում դիտարկվում են միայն մեկ կիսամյակի արդյունքները:

(5.3 կետը խմբագրվել է 15.11.2018թ.-ին)

5.4. Նախագահության անդամներն ընտրվում են ըստ համամասնության. մինչ 600 ուսանող ունեցող ֆակուլտետներից՝ մեկ անդամ, 600-ից ավել ուսանող ունեցող ֆակուլտետներից՝ 2 անդամ:

5.5. Ֆակուլտետային պատվիրակների նիստը իրավագոր է, եթե դրան ներկա են պատվիրակների ընդհանուր թվի կեսից ավելին: ՈւՖ նախագահության անդամն ընտրվում է ներկաների թվի պարզ մեծամասնությամբ:

5.6. Անհրաժեշտ քվեներ չհավաքելու դեպքում առավելագույն ձայներ հավաքած երկու թեկնածուները անցնում են երկրորդ փուլ: Երկրորդ փուլում ընտրված է համարվում առավելագույն ձայներ հավաքած թեկնածուն:

5.7. ՈւՖ նախագահությունը իր կազմից երկու տարի ժամկետով ընտրում է ՈւՖ նախագահ, նախագահի տեղակալ(ներ), պատասխանատու քարտուղար, հանձնաժողովի նախագահներ: ՈւՖ նախագահը, ՈւՖ նախագահի տեղակալները, ՈւՖ պատասխանատու քարտուղարը չեն կարող միաժամանակ զբաղեցնել ֆակուլտետային ՈւՖ նախագահների, հանձնաժողովների նախագահների, հանձնաժողովների քարտուղարների կամ ՈւՖ նախագահության կողմից իրենց պաշտոնի հետ անհամատեղելի համարվող այլ պաշտոն:

(5.7 կետը խմբագրվել է 15.11.2018թ.)

5.8. ՈւՖ նախագահ չի կարող առաջադրվել ՀՀ որևէ քաղաքական կուսակցությանը անդամակցող թեկնածու:

5.9. ՈւՖ նախագահի ընտրությունը կատարվում է փակ, գաղտնի քվեարկությամբ: Նախագահի տեղակալի, պատասխանատու քարտուղարի, հանձնաժողովների նախագահների ընտրությունը կատարվում է բաց քվեարկությամբ, եթե այդ մասին այլ որոշում նախագահության կողմից չի կայացվում:

5.10. Ընտրված է համարվում այն թեկնածուն, ում օգտին քվեարկում են ներկաների կեսից ավելին: Անհրաժեշտ թվով ձայներ չհավաքելու դեպքում առավելագույն ձայներ հավաքած երկու թեկնածուները անցնում են երկրորդ փուլ: Երկրորդ փուլում ընտրվում է այն թեկնածուն, ում օգտին քվեարկում է ներկաների պարզ մեծամասնությունը:

- 5.11. ՈԻԽ նախագահության անդամների կեսից ավելիի փոփոխության պարագայում կազմակերպվում է ՈԻԽ նախագահի նոր ընտրություն:
- 5.12. Նախագահի տեղակալների, պատասխանատու քարտուղարի, հանձնաժողովների նախագահների թեկնածությունները առաջադրվում են նախագահության անդամների կազմից: Եթե նախագահության անդամներից հանձնաժողովի նախագահ չի առաջադրվում կամ չի ընտրվում, ապա նախագահության որոշմամբ հանձնաժողովի նախագահ կարող է ընտրվել ՈԻԽ համագումարի պատվիրակ կամ ֆակուլտետային ՈԻԽ անդամ հանդիսացող ուսանող, որը ՈԻԽ նախագահության նիստին մասնակցում է խորհրդակցական ձայնի իրավունքով:
- 5.13. ԵՊՀ ՈԻԽ նախագահը, ով հանդիսանում է նաև ԵՊՀ ՈԻԽ նախագահության նախագահ, ներկայացնում է ՈԻԽ-ն ԵՊՀ Գիտական խորհրդում, ռեկտորատում և համալսարանական այլ մարմիններում և կառույցներում, ՈԻԽ Համագումարում հանդես է գալիս Ուսանողական խորհրդի գործունեության մասին հաշվետվությամբ: Նա ներկայացնում է ԵՊՀ ՈԻԽ-ն և ուսանողությանը ՀՀ և արտերկրի բոլոր պետական և ոչ պետական մարմիններում, մասնավոր անձանց մոտ, տալիս է լիազորագրեր՝ գործելով սույն կանոնադրությամբ ՈԻԽ-ին վերապահված հարցերի շրջանակներում:
- 5.14. Սահմանված ժամկետը լրանալու կամ ԵՊՀ-ում ուսումն ավարտելու դեպքում, բացառությամբ ուսումը ասպիրանտուրայում շարունակելու դեպքից, ԵՊՀ ՈԻԽ նախագահը վայր է դնում իր լիազորությունները: Այդ դեպքում հայտարարվում են ԵՊՀ ՈԻԽ նախագահի նոր ընտրություններ:
- 5.15. ԵՊՀ ՈԻԽ նախագահի տեղակալը (մեկից ավելի տեղակալների առկայության դեպքում՝ ՈԻԽ նախագահի կողմից լիազորված տեղակալը, իսկ դրա բացակայության դեպքում՝ Նախագահության կողմից լիազորված տեղակալը) նախագահի բացակայության ժամանակ վերջինիս լիազորմամբ ողջ ծավալով կատարում է նախագահի պարտականությունները:
(5.15 կետը խմբագրվել է 15.11.2018թ.)
- 5.16. Պատասխանատու քարտուղարը ղեկավարում է քարտուղարության աշխատանքները, վարում համապատասխան արձանագրությունները:
- 5.17. ՈԻԽ նախագահությունը՝
- ա/ միջոցներ է ձեռնարկում ՈԻԽ Համագումարի որոշումներն իրականացնելու համար,
- բ/ հաստատում է ՈԻԽ նախագահության, քարտուղարության, հանձնաժողովների և ֆակուլտետային ՈԻԽ-ների աշխատակարգերը,

զ/ վավերացնում է ՈԻԽ նախագահի կողմից կնքված պայմանագրերն ու համաձայնագրերը,

դ/ հանձնաժողովներում և ֆակուլտետների ՈԻԽ-ներում կատարվող աշխատանքների մասին լսում է զեկուցումներ

ե/ կանոնակարգում է ԵՊՀ և ֆակուլտետների կառավարման (կոլեգիալ) բոլոր մարմիններում տարբեր մակարդակների ՈԻԽ-ների կողմից սովորողների (ուսանողներ, ասպիրանտներ) առաջադրման և ընտրության գործընթացը (ՀՀ օրենսդրությամբ և ԵՊՀ կանոնադրությամբ չկարգավորված հարցերը) և ընտրում է ԵՊՀ կառավարման և այլ մարմիններում սովորող անդամներին, ինչպես նաև որոշումներ է ընդունում կառավարման տարբեր մարմիններում ուսանողների ներկայացուցիչներին առնչվող այլ հարցերի վերաբերյալ,

զ/ կարող է անվստահություն հայտնել ՈԻԽ նախագահին, նախագահության անդամներին և ֆակուլտետի նախագահներին,

ե/ կարող է լսել և լուծել ՈԻԽ իրավասությանը վերաբերող ցանկացած հարց, բացառությամբ Համագումարի իրավասությանը վերապահվածների:

- 5.18. Ուսանողական խորհրդի նախագահությունում գործում են իրավական, արտաքին կապերի, լրատվության և հասարակայնության հետ կապերի, գիտակրթական, ֆինանսատնտեսական, մշակույթի, սոցիալական, սպորտի և ռազմահայրենասիրական ծրագրերի հանձնաժողովները: Անհրաժեշտության դեպքում կարող են ստեղծվել ժամանակավոր հանձնաժողովներ:
- 5.19. ԵՊՀ ՈԻԽ նախագահությունը նիստեր է գումարում ամիսը առնվազն մեկ անգամ:
- 5.20. ԵՊՀ ՈԻԽ նախագահության նիստը իրավագոր է եթե ներկա են անդամների կեսից ավելին: Որոշումներն ընդունվում են ներկաների պարզ մեծամասնությամբ: Սույն կանոնադրության 5.17 կետի զ/ ենթակետով նախատեսված հարցերի քննարկման ժամանակ ՈԻԽ նախագահության որոշումներն ընդունվում են նախագահության անդամների 2/3-ի կողմ քվեարկելու դեպքում: Փակ, գաղտնի քվեարկության արդյունքում, եթե անդամների ընդհանուր թվի 2/3-ը պաշտպանում է անվստահության քվեն, ապա համապատասխան անձը վայր է դնում իր լիազորությունները: Անվստահության հարցի բարձրացումը կարգավորում է ԵՊՀ ՈԻԽ աշխատակարգով:
- 5.21. ԵՊՀ ՈԻԽ նախագահի որոշմամբ կամ նախագահության անդամների 1/2-ի պահանջով կարող է հրավիրել ԵՊՀ ՈԻԽ նախագահության արտահերթ նիստ:
- 5.22. ԵՊՀ ՈԻԽ մշտական հանձնաժողովները կազմված են հանձնաժողովի նախագահից, հանձնաժողովի պատասխանատու քարտուղարից և ֆակուլտետների պատասխանատուներից, որոնք առաջադրվում են ֆակուլտետների ՈԻԽ-ների կողմից:

6.ՖԱԿՈՒԼՏԵՏԻ, ՄԱՍՆԱՃՅՈՒՂԻ ԵՎ ԿԵՆՏՐՈՆԻ (ԻՆՍՏԻՏՈՒՏԻ) ՈՒՍԱՆՈՂԱԿԱՆ ԽՈՐՀՈՒՐԴԸ

- 6.1. Ֆակուլտետի ուսանողության ներկայացուցչական, ինքնակառավարման և նրա ընկերային շահերը ներկայացնող մարմինը ֆակուլտետի Ուսանողական խորհուրդն է, որը ընտրվում է երեք տարի ժամկետով (բանակ գորակոչված, ուսումն ավարտած, երկարաժամկետ(1 կիսամյակից ավել) փոխանակման ծրագրերով արտերկրում կամ ակադեմիական արձակուրդում գտնվող ֆակուլտետի ՈՒԽ անդամների փոխարեն կատարվում է ՈՒԽ անդամների համալրում):
- 6.2. Ֆակուլտետի Ուսանողական խորհուրդը ձևավորվում է ուղղակի ընտրության միջոցով: Ֆակուլտետի ՈՒԽ յուրաքանչյուր կուրսից ընտրվող անդամների թիվը որոշվում է ըստ համամասնության՝ մինչև 100 ուսանողից մեկ ներկայացուցիչ: Մինչև 500 ուսանող ունեցող ֆակուլտետի Ուսանողական խորհրդի անդամների թիվը 5 է:
Ֆակուլտետի ՈՒԽ այն անդամները, որոնք մագիստրատուրան ավարտելուն պես անմիջապես ընդունվել են ասպիրանտուրա պահպանում են ֆակուլտետի ՈՒԽ անդամի մանդատը՝ 3 տարի ժամկետով: Եթե ֆակուլտետի կուրսերը բաղկացած են տարբեր մասնագիտություններով (բաժիններով) սովորող հոսքերից, ապա ընտրական հանձնաժողովի որոշմամբ կարող է ընտրությունը կատարվել ըստ այդ մասնագիտական հոսքերի՝ ապահովելով այդ հոսքերի հավասար ներկայացուցչականությունը: Ֆակուլտետի սովորողների ընդհանուր թվին (առկա/հեռակա համակարգ, ասպիրանտներ) ֆակուլտետի ՈՒԽ անդամների թիվը համապատասխանեցնելու նպատակով ընտրական հանձնաժողովի որոշմամբ ֆակուլտետի ՈՒԽ անդամների կազմը կարող է լրացվել բակալավրիատի ոչ ավարտական կուրսերից (պահպանելով համամասնությունները):
- 6.3. Ընտրությունը կատարվում է ըստ կուրսերի (հոսքերի)՝ ուսանողական ժողովներում: Ընտրությունը համարվում է կայացած, եթե ներկա են ուսանողների ընդհանուր թվի կեսից ավելին: Եթե երկու անգամ հրավիրված ժողովին չի մասնակցում ուսանողների կեսից ավելին, ապա ընտրական հանձնաժողովը կարող է որոշում ընդունել և ընտրությունները կազմակերպել ներկա ուսանողների մասնակցությամբ: Ընտրությունը կատարվում է բաց քվեարկությամբ, եթե ներկաների ձայների պարզ մեծամասնությամբ այդ մասին այլ որոշում չի կայացվում: Ընտրված է համարվում առավելագույն ձայներ հավաքած թեկնածուն:
- 6.4. Ֆակուլտետի ՈՒԽ անդամներ կարող են ընտրվել միայն այն ուսանողները, որոնք վերջին երկու կիսամյակում ապահովել են ՄՈԳ-ի 65 տոկոսը: Առաջին կուրսի դեպքում դիտարկվում է միայն մեկ կիսամյակի արդյունքները:

6.5. Ֆակուլտետի ՈԻԽ-ն փակ, գաղտնի քվեարկությամբ իր կազմից ընտրում է ֆակուլտետի ՈԻԽ նախագահ, քարտուղար, ովքեր հաշվետու են ֆակուլտետի ՈԻԽ-ին և ԵՊՀ ՈԻԽ նախագահությանը:

6.6 Ճանաչվել է ուժը կորցրած 15.11.2018թ.-ին ԵՊՀ ՈւԽ Համագումարի կողմից:

6.7 Ֆակուլտետային ՈԻԽ նախագահը և քարտուղարը վայր են դնում իրենց լիազորությունները ֆակուլտետային ՈԻԽ կամ ԵՊՀ ՈԻԽ նախագահության որոշմամբ:

6.8. Ֆակուլտետի ՈԻԽ-ն նիստ է գումարում առնվազն ամիսը մեկ անգամ. արտահերթ նիստ գումարվում է ֆակուլտետի ՈԻԽ նախագահի, ՈԻԽ անդամների 1/ 2-ի պահանջով կամ ԵՊՀ ՈԻԽ նախագահության որոշմամբ: Նիստն իրավագոր է, եթե նրան մասնակցում են ֆակուլտետային ՈԻԽ անդամների կեսից ավելին, որոշումներն ընդունվում են ներկաների թվի ձայների պարզ մեծամասնությամբ:

6.9. Ֆակուլտետի ՈԻԽ-ն կազմակերպում է ֆակուլտետի ՈԻԽ-ի աշխատանքները՝ համալսարանի ՈԻԽ-ի նպատակներին և գործունեության հիմնադրույթներին համապատասխան: Ֆակուլտետի ՈԻԽ նախագահը ի պաշտոնե ներկայացնում է ֆակուլտետի ուսանողությանը համալսարանական տարբեր կառույցներում և օղակներում:

6.10. Սույն Կանոնադրությամբ չնախատեսված դեպքերում ֆակուլտետի ՈւԽ-ն գործում է ԵՊՀ ՈԻԽ նախագահության որոշումների համաձայն:

6.11. ԵՊՀ Իջևանի մասնաճյուղի ֆակուլտետներում կազմակերպվում են պատվիրակների և ֆակուլտետային ՈԻԽ անդամների համապատասխան ընտրություններ: Պատվիրակների ընտրության դեպքում 25 ուսանողից ընտրվում է մեկ պատվիրակ, որոնք բավարարում են սույն կանոնադրության 4.4 կետի պահանջները: Ֆակուլտետային ՈԻԽ-ների անդամների թիվը 7 է: Ֆակուլտետային ՈւԽ-ները ընտրում են ֆակուլտետի մարմիններում սովորող անդամների: Ֆակուլտետային ՈւԽ անդամները հանդիսանում են մասնաճյուղի ՈԻԽ նախագահության անդամ: Մասնաճյուղի ՈԻԽ նախագահությունը իր կազմից ընտրում է մասնաճյուղի ՈԻԽ նախագահ, նախագահի տեղակալ և քարտուղար, հանձնաժողովների նախագահներ: Մասնաճյուղի ՈԻԽ-ն ընտրում է ԵՊՀ ՈԻԽ նախագահության երկու անդամ, ինչպես նաև մասնաճյուղի գիտական խորհրդի սովորող անդամների:

6.12. Կրթական ծրագրեր իրականացնող ԵՊՀ ստորաբաժանումներում (ինստիտուտ, կենտրոն) ուսանողական խորհուրդները ձևավորում են ֆակուլտետային ՈԻԽ-ների համար նախատեսված կարգով: Եթե ստորաբաժանման ուսանողների ընդհանուր թիվը չի գերազանցում 60-ը, ապա կուրսի ուսանողների ժողովում ընտրվում են կուրսի ՈԻԽ համակարգող և պատասխանատու քարտուղար: Կուրսերի ՈԻԽ համակարգողներն ու պատասխանատու քարտուղարը կազմում են տվյալ ստորաբաժանման ՈԻԽ-ն և իրենց

կազմից ընտրում ստորաբաժանման ՈԻԽ համակարգող, որը հանդիսանում է ՈԻԽ համագումարի պատվիրակ և խորհրդակցական ձայնով մասնակցում ԵՊՀ ՈԻԽ նախագահության նիստերին:

7. ՖԻՆԱՆՍԱԿԱՆ ՄԻՋՈՑՆԵՐԸ

- 7.1 Ուսանողական խորհրդի ֆինանսական միջոցները գոյանում են ԵՊՀ հատկացումներից, հանգանակություններից, նվիրատվություններից և ԵՊՀ Կանոնադրությանը, սույն Կանոնադրությանը չհակասող և ՀՀ օրենսդրությամբ չարգելված այլ աղբյուրներից:

8. ՎԵՐՍՏՈՒԳԻՉ ՀԱՆՁՆԱԺՈՂՈՎ

- 8.1 Վերստուգիչ հանձնաժողովն իրականացնում է Ուսանողական խորհրդի գործունեության կանոնակարգային համապատասխանության և ֆինանսական միջոցների ու գույքի օգտագործման նկատմամբ վերահսկողությունը: Վերստուգիչ հանձնաժողովը մշտադիտարկում է ՈւԽ նախագահի, ՈւԽ նախագահության և ֆակուլտետային ՈւԽ-ների գործունեությունը և տարեկան հաշվետվությամբ հանդես է գալիս Համագումարում:

(8.1 կետը խմբագրվել է 15.11.2018թ.)

- 8.2 Հանձնաժողովի կազմը (ընդհանուր թվով երեք հոգի) ընտրվում են ՈԻԽ Համագումարի կողմից՝ երեք տարի ժամկետով՝ բաց քվեարկությամբ: Հանձնաժողովն իր կազմից ընտրում է նախագահ, որը խորհրդակցական ձայնի իրավունքով կարող է մասնակցել ԵՊՀ ՈԻԽ նախագահության նիստերին:
- 8.3 Վերստուգիչ հանձնաժողովը հաշվետու է միայն Համագումարին:

9. ՈԻԽ ՎԵՐԱԿԱԶՄԱՎՈՐՈՒՄԸ

- 9.1 ԵՊՀ ՈԻԽ-ն վերակազմավորվում է ԵՊՀ ՈԻԽ Համագումարի անդամների 2/3-ի որոշմամբ: